


周易像象述

五



欽定四庫全書

周易像象述卷五

明 吳桂森 撰

咸亨利貞取女吉

咸文感也。感有必通之理，然不以貞則失其亨，而所為皆凶矣。

彖曰：咸感也。柔上而剛下，二氣感應以相與止而說男

下女是以亨利貞取女吉也。天地感而萬物化生，聖人

感人心而天下和平。觀其所感而天地萬物之情可見

矣

上經首乾坤天地大男女也下經首咸恒男女小天地也天地交而有男女男女交而化化生生者不可窮所謂交感應而已咸少男少女之交故咸感也天地有生來无有不感不應之物人有生來亦无不感不應之時故程子曰天地間只有一箇感與應而已這箇感應是氣機自然相與全不由一毫意思感者不知所以感應者不知所以應咸之義為皆感者應者兩相湊合一動皆動一通皆通都是默默然天機

自到故咸感也乃无心之感也卦體澤在上山在下
山澤之氣无時不通山何嘗有意感澤澤何嘗有意
應山一氣機之自相往來所以成咸也
咸之所以成咸全在艮剛一下有艮感斯有兌應惟
艮止有寂而能感之體惟能下又有卑而能受之虛
所以艮下則兌柔得以上行二氣便感應而成相與
此咸之所以亨也其德止而說正常為主而感乎說
也男下女男常為先而感乎女也止感說應則止貞

而自无不貞之說男先女應則男貞而自无不貞之女所以利貞所以取女吉也取女感之最易失正者故特言之

艮剛男道在下天感地之象兌柔女道在上地應天之象聖人之心常止常定感以天之象人之於聖人說而能從應乎天之象天地感而萬物化生天地原无心聖人感人心而天下和平聖人原无心可見天地萬物此感彼應自有一箇天然之情天然相與之

情纔是情之真故曰觀其所感而天地萬物之情可見矣情字情實之情乾彖曰利貞者性情也人生而靜性也感于物而動情也惟止而說則感而忘感動而常靜所謂性其情也此實情也夫人所以日逐日流只為情其性都非情實若感與應盡是實情則聖人之能事畢矣恒大壯
萃情同故乾言聖人咸亦言聖人咸云天下和平直與乾之雲行雨施天下平同一分量下經首咸以此

咸主只是一感感只是一止止者一定之理即至極之理也故止以說則貞歸妹動于說則非貞矣不特夫婦之相感然也君止仁則臣以忠應矣臣止敬則君以禮應矣父子兄弟朋友之相與無不然故止者同歸一致此也窮神知化亦即此也

象曰山上有澤咸君子以虛受人

山之氣上蒸而為澤澤之氣下潤而滋山故山上有澤二氣感應以相與之象山體篤實何以為虛山不

動而澤自通則非至虛不能也君子亦然主常定寂而感无不通則非至虛不能也故程子曰有主則虛斯為咸之以虛受人君子惟能下所以能虛人不

卑躬下志以來天下之善安得天下嚮應故艮山一下萬感皆通矣虛以受人君子之咸也

初六咸其拇象曰咸其拇志在外也

六二咸其腓凶居吉

腓足肚也欲行則先自動躁妄而不能固守也

象曰雖凶

居吉順不害也

九三咸其股執其隨往吝象曰咸其股亦不處也志在隨人所執下也

人到止而說如此感應是渾身皆成感應自足至口隨舉一體觸無不通真是無胫而走不言而喻故六爻就身取象如母如腓如股如脢如輔如頰如舌件件皆靈然初不言趾初皆言趾貞大壯艮而言母五不言背而言脢上不言口而言輔言頰輔乃口輔頰乃兩頰都有意這樂件雖欲強之動亦不動直到天機相感則

自動却又一毫阻抑不得惟三是止之主故象以股
動止得以自由者也然此衆體皆聰于心得其貞
則五者可以通天下之志而原非以五者感也心不
得其貞則五者之感皆非貞矣四心位故貞吉獨繫
于四若心不止于理則又有意之心不得為貞故小
象中志字皆不取

人之感應相與心自淺入深人一身自下而上有自
淺而入深之象毋冢下動最微不過相感之初然動

雖微其志則已動乎外人脚纔動中心已是向了人
故曰志在外不係吉凶以初動原有机此二路二腓在足之上相感而

到腓動便全身要動聖人又設吉凶兩途以教之雖
凶只一能居便有吉路居者安居不動止以從心為體主自然不至感于害故曰順不害人有時一念有感
要動真若兩足不由人作主便入畏途若少定便不
至此也三是艮止主爻從初及二感至三已有不能
止之勢所以象曰亦不處言與初二俱感也然三正

要在此際作得主定如何執其隨執隨執下人之道
也隨卦剛來下柔即彖所謂男下女能下未嘗不可
以感人但謂之執則有意之下而非无心之感所以
曰志在隨人而往必吝也若隨所當隨便是咸股之
貞也內三爻俱有貞不貞兩途未定之詞

九四貞吉悔亡憧憧往來朋從爾思象曰貞吉悔亡未
感害也憧憧往來未光大也

四心象咸之主也心之感物當正而固乃得其理若

憧憧往來不能正固而累于私感則但以明類從之不復能及遠矣

四心位一身之感皆在心故不言所感却有貞不貞之兩路以聽心之所感如得其貞則吉而悔亡不貞則不一便為憧憧往來而已天下感應雖殊只一個理是理同歸一致便是貞何必憧憧往來不是理之一便未免憧憧于往來童心為憧憧見識不定之謂這都是害未感害貞之所以吉也若一憧憧往來心先作主不定衆體如何得定如拇如腓等皆從心而不定此為朋從如此何由感得人心故曰未光大

或以四為咸卦主爻非也主爻自在二

主感

貞言于四

者其位則心其爻則說之始其介則上下感應之交

貞與不貞正在四辨是殊途百慮往來路口也

九五咸其脢无悔

脢背肉在心上而相背不能感物而无私係

象曰咸其脢

志末也

上六咸其輔頰舌象曰咸其輔頰舌滕口說也

說作悅

五居上卦之中脢亦居人身之中取象背肉者正以其寂然不可動而能關係衆動也咸而至五已是透

體皆感感至背肉乃是透體皆通故德盛者蓋于背
有愧于心者必汗決於背背之咸一毫不容思議又
无一體不通達者也咸其晦又何晦之有象曰志末
如晦之感全不假一毫舉心動念乃知用心感人者
悉有意之私非自然之感皆末也非本也志不可謂
之末惟感貴无心故以有心為末以其志乃憧憧往
來之志也咸晦即是艮背之象上曰輔頰舌晦雖居
中猶隱而不形咸至於上則發而形於可見曰輔曰

頰曰舌則笑貌聲音无不是也蓋通內外皆是說意湧出故曰滕口說水上出為滕都是中心和說溢出如此方是咸之極致

總聖人感人心而天下和平和平天地萬物之情也聖人之心先自和平則其自母至輔頰純是和氣感召如何不過化存神若心先不貞這些衆體可容你矯飾一分隱匿一分終日感人都在憧憧往來中如何得人心嚮應作德日休于咸可見論感以无

心真有神行其間何消得你動脚只志向在此人心
自應如范滂攬轡登車貪墨吏自去這叫做咸母咸
腓若說自下一念真是感人尤速如藺相如與廉頗
不消得有意去感他只這裡一下他那裡自服這叫
做咸其股執其隨又有一等感人者自家也不知人
已自應了心思不到耳目未加之地默默心喻心化
如偷兒之畏王彥方知如洛中父兄曰母為不善恐
司馬端明邵先生知這叫做咸脢至于感通之極並

不用動容開口只目擊便神乎如朱公掞見明道曰
某在春風中坐了一個月這是咸其輔頰舌詩之聲
色不大也咸速也感通之妙直是不疾自速神哉

恒亨无咎利貞利有攸往

象曰恒久也剛上而柔下雷風相與巽而動剛柔相應
恒恒亨无咎利貞久于其道也恒必利正乃為久于其道不正則久非其道矣
天地之道恒久而不已也利有攸往終則有始也日月
得天而能久照四時變化而能久成聖人久于其道而

而天下化成觀其所恒而天地萬物之情可見矣

咸以艮止為主恒則以震動為主人但知倏而感倏而應莫知其然者為咸不知惟有一定者為之主所以成感應也人但知至有常至可久一定不可移者為恒不知惟于變動中不失常道所以為可久也只看山與澤是天地間形之有定的却无一息不通氣故象之以咸雷與風是天地間氣之最无定的其相薄者却千萬世不改故象之以恒其千萬世如一者

何也不易之理也是乃久之道恒之貞也 恒德之
固也取專一為恒恒字訓久蓋惟專一也乃能久天
下之定理方是天下之常理故聖人不于无變无動
一而有常處言恒乃于千變萬化不失其常處言恒
所謂久于其道也剛上四句皆言恒道而主在雷風
相與一句凡剛上行柔下行宜不成相與惟震剛上
巽柔下適成相與蓋震主出巽主入出者奮而在上
入者順而在下長男出而動乎外長女入而巽于內

豈不成相與之妙故先天方圖震巽居中為陰陽相
交之始即復姤相與之際天地之至妙者也巽而動
二句則皆言其相與妙處只有巽入无震出巽為无
用若不先巽而後出動為妄動故動不以巽疾雷也
巽而无震厲風也秋冬之風无震出為殺物之風惟雷風相與所以
巽而動適得動之妙震剛得巽柔為之應巽柔得應
乎震剛剛柔相齎而成妙用此剛柔皆應也其當上
而上當巽動而巽動當應而得應皆是天然不易至

理不易至理恒道也所以亨所以无咎利貞相與故

能亨動巽皆當剛柔應故无咎又得貞

相與二句即咸之二氣感

應句巽動二句即咸止而說男下女二句正相對

咸之義妙在剛下恒之義

妙在剛上論久而不已无如天地然天地有開闢

有混沌亦未可見恒其所以一闔一闢闔相禪于

无窮只為道在是天地之久久于道也久于道故始

而終終而復始始終往來何有窮盡所謂利有攸往

終則有始也天之為天是這不已之道日月有中是

盈虧不常所以久照只為得此之道四時變化往來
不常所以久成只為得此不已之道成者成其歲功
也聖人不是這久道如何能窮而變變而通以化成
天下可見天地萬物形氣萬殊俱有不可易之道在
不可易者情之正也故曰觀其所恒而天地萬物之
情可見矣

象曰雷風恒君子以立不易方

風行雷動天地間至无常的風必入而行下雷必動

而上行是天地間至有常的恒象有常者此一定之

方也

如乾上坤下坎離南北震東兌西皆有定方

方以類聚君子今日處

于此明日往于彼此不能不易者也无常者所立之

方也隨方而宜君子宜于此方之道即宜于彼方之

道雖易而實不易者也此為~~立~~不易方謂不因方而易

恒之道也

初六浚恒貞凶无攸利象曰浚恒之凶始求深也

陰居巽下

為巽主性務入故深以常理求之象浚恒

九二悔亡象曰九二悔亡能久中也

九三不恒其德或承之羞貞吝

承奉也言人皆奉而進之不知其所自來也

象曰不恒其德无所容也

恒六爻巽在內卦是柔來用事也最難得盡善故初凶三吝二僅可以悔亡初曰浚者巽善入從初就入有深求不已之意所求者求可恒也夫初以其位下而質柔則婦道也子道弟道也以下深求于上曰夫子當何如父兄當何如可乎以其時則事始也始事

便求如何永得可乎所求雖正必凶之道故曰始求
深也二曰悔亡隨事擇中庶幾可久之道巽本柔順
三以究而躁不恒之象人而无恒何處非取羞之道
這羞吝不知其然而來的曰或都是自取當受的曰
或承又是正理中亦不免的曰貞吝所以然只為人
失恒心自一處去不得故曰无所容也恒之三即咸
之四咸四貞恒三吝蓋兌巽皆婦道婦而為應則正
也婦以不恒主于內豈不羞吝此卦中之情偽也

九四田无禽象曰久非其位安得禽也

六五恒其德貞婦人吉夫子凶象曰婦人貞吉從一而終也夫子制義從婦凶也

上六振恒凶象曰振恒在上大无功也

居恒之極處震之終恒極則不

常震終則過動故象振恒

九四震主動而上非不當動也只是不得中正之位

田无禽之象田者獵也禽害苗之禽得禽田功方可成與初有浚之病如禽然吳為黔喙四動不以中正如何

去得這病故謂之无禽言不能獲此禽也象曰久非
其位只是惜其動不盡善亦未嘗有悔吝之辭五則
動而中矣只是柔中所以雖有恒德又能貞却只是
婦道非夫道蓋五之應在二他卦以柔中應剛无不
吉者惟恒之二巽體也婦也五乃震體也夫也五反
以柔道去從二之剛是從婦之貞也以婦道為夫道
非制義之夫矣所以凶也此卦中相感之不同

貴道不貴道

恒之義于五益
可見制義是道

上六振恒振者振動其恒恒以可久

為道上處震終不覺到此振動起來這是厭常喜更
改于恒道正相悖舉前念盡失之矣故曰大无功也
總 恒六爻无定主亦无一爻稱吉亨蓋惟變化无
常乃為恒道若有一時一位可以為恒不必言道矣
恒常也不過一平常從初一念少不平常便是喜穿
鑿穿鑿豈可久謂之浚恒若到頭一念不安平常便
是喜變更變更豈可久謂之振恒浚恒无始振恒无
終凶三之不恒自不必言五謂之恒其德矣因才不

稱位只做得婦四才是有為矣因位不副才亦終无功可見于道上稍有未合皆非可恒惟二得中隨處審中差為可久然不過悔亡而已詳舉不恒之故則恒之有定理无定在昭然可明是所謂不易之道也

二少二長乾坤錯綜之交咸恒乃二少二長之爻居下經首與上經截然有別上經非剛爻為主則剛爻原始反終皆陽剛用事咸恒柔原始柔要終皆陰爻用事陽用事直頭无不盡善陰用事須有許多委

曲幹旋方得盡善觀兩卦爻辭聖人于此另有一番作用換過一番局面所謂旁行不流蓋謂此也故自此而後如遯如明夷如睽如蹇如損等卦皆另有樣變通作用皆因柔爻當事故也此經之大關節咸就是剥夬合體恒就是復姤合體所以居中局十二卦之中 為政以德譬如北辰居其所而衆星共之聖人之感人心也天何言哉四時行焉百物生焉聖人之久于其道也咸速也恒久也其義如此

遯亨小利貞

遯退避也二陰浸長陽當退避故為遯六月之卦也

彖曰遯亨遯而亨也剛當位而應與時行也小利貞浸而長也遯之時義大矣哉

男女交則陽道當退處故咸後有遯男女正則陽道當制動故恒後有大壯先天乾後天在西北居艮位是乾父不用事之象故乾艮之合為遯雜卦曰遯則退也陽剛有進必有退乃消息往來自然之運所以四時之序成功者退春夏陽之長秋冬陽之退艮

時之冬也陽氣正當退藏惟有一退乃所以收斂元和而睽屬春生之氣故遯者君子所以運旋造化闡闢陰陽大手段非遯不足以成變化利出入善觀遯者遯處即是生生之妙故遯則亨不遯則不亨其義與畏避而去遠引為高徒為退步一著者絕不相伴故遯正是與時行也時行之妙全在剛正當位柔正順應夫以剛而得位柔而應從若不必遯不知已當遯之氣候君子正當此時遯方當乎天理之正當位合

乎人心之安

柔應

乃時行而行此遯所以亨小利貞者

二柔當漫長之時若不知順從剛大便是不貞如何

得小貞所以使之貞者全在剛大之一退也蓋大為

小之主大者處之不盡道小必失其順從之常大者

盡其大之事小者自安其小之正利貞之義也由此

言之以遯之時盡遯之義直與造化同卷舒時義豈

不大哉 卦象柔小進剛大退所以成遯然遂以為

小人遯君子君子避小人之象則未足盡遯之義禮

大夫七十致政遯也非必有所避也娶婦饗以一獻之禮舅姑降自賓階遯也非柔小迫之也故精言其義人皆有遯又時時有遯因時盡義方見遯之大義乾初曰遯世潛龍是遯之一脈乾六爻由潛而飛聖人時出之變化由飛而還潛聖人時入之變化故究極其道必如堯舜之禪方完得遯學一遯則大既貞小亦貞方為各正性命仍是純乾作用故五曰嘉上曰肥嘉肥能事非大聖人未易語此

象曰天下有山遯君子以遠小人不惡而嚴

天自上運山自下止但見天之有乎山未見山之碍
乎天遯之象上運天自遠山自不能及下止山自安
天自常覆被君子之于小人亦然 天下有山天至
近而遠君子與小人亦至近而遠終日同處隔絕若
千里也 不惡原未嘗隔絕小人天包山之度也不
惡而嚴又未嘗下同于小人剛健中正之體也

初六遯尾厲勿用有攸往

遯而在後尾之象危之道不可以有所往但晦處靜俟可

免災
耳
象曰遯尾之厲不往何災也

六二執之用黃牛之革莫之勝說
象曰執用黃牛固志
也
以中順自守

必遯之志也

九三係遯有疾厲畜臣妾吉
下比二陰當遯而有所係之象
象曰係遯
之厲有疾憊也畜臣妾吉不可大事也

遯之取象在陰陽進退間至于六爻同為處遯之人
凡卦皆然但內三爻艮止其所見卑而近外三爻乾健其所見高而遠所以有失得不同不可泥剛柔之分便

謂二柔乃逐君子之小人也

觀本義自見分明

遯之義全在

識之高遠行之果決所以能與時行初以陰柔居下
豈有此等力量遯本非其能事只好以柔從剛隨君
子而遯遯尾之象夫遯惟其先幾遠去所以為高若
為尾豈能遠脫世網悔尤隨之矣所以尾有厲又曰
勿用有攸往易中攸往皆有所作為之意遯世大君
子原有事當為但有為于遯世更難初非其人故不
往乃免災咎也二得艮之柔中雖不能與剛同遯却

最得順剛之道者故稱用黃牛黃牛既中且順革者隨時變革之革一隨陽剛為行止也二得柔道之用但須要守得定所以稱執莫之勝說則所執之固也其不言遯者只貴順剛不必同去乃為遯也 三是陽剛能遯者也以與二柔同體有係之象夫係之一念于遯最為害事母論係祿係名為不可即係于私恩係于姑息皆柔情用事而有累剛大故有疾有厲至于憊也憊意係之為道用以畜臣妾則吉豈有當

進退大關節而可係者乎言小吉正明其大之疾故
曰不可大事也

九四好遯君子吉小人否象曰君子好遯小人否也

九五嘉遯貞吉象曰嘉遯貞吉以正志也

上九肥遯无不利象曰肥遯无不利无所疑也

遯之各得其妙在上三爻九四乾體當行止之介時
可遯即遯最是天理之適好處曰好遯惟君子適當
其好何吉如之小人如何識得此于這條路是閉塞

的一般故曰小人否不通也蓋君子循理小人只知私意于遠遯高義如何得通所以否也五二以中相應五以中行則二以中順都是天地間至佳道理得嘉美之會曰嘉遯遯合時宜真是衆美俱集剛大柔小皆得其正曰正志也上九居天位得乾之終獨立于至高至遠在天壤間綽綽有餘地超然自得而寬裕自如曰肥遯肥之義如碩道德則廣身名則大行徑則裕是為肥也上是優游世外人彼固无所係于

世世亦不得而係累之故曰无所疑也无所疑又何不利之有

總遯之亨亨于剛當位五之嘉是也其遯也卷舒一隨乎時進退惟義所適達而堯舜之揖讓伊尹之復政窮而孔孟之无悶天下之至美在焉所謂嘉也上則迥然出世中正之外更有高蹈名位之上別有廣居碩大而无可與羣所謂肥也意巢許其人乎後世桐江之釣庶幾近之惟四當機能決時至即行其

遯也。關世道升降之機，繫國家泰否之運。若四皓之
隱見二疏之先知，栗里之深潛，各伸其志，可謂得遯
之好者矣。若夫其人非不能遯者也，以不能早決而
失先機之明，則謂之係其時必當遯者也。以剛果不
足，而不能善遠去之跡，則謂之尾。如東漢之末，李范
諸賢造非不高，見非不卓，而栖栖于時事，卒斃身名
此犯係疾之憊也。太學諸生才非撥亂，德非濟時，又
不能緘默自靜，徒以意氣附諸賢之後，而遺禍天下。

此犯尾往之災也此其失得不同悔吝亦異而皆有
裨世道不愧貞風故均可以遯稱也至如以下流之
品託高山之迹移北山而覲顏借終南為捷徑則假
遯名邀遯利斯其人之不足道無論已即有銅疾烟
霞耽情泉石以逃虛匿影為事而于世了无用者曰
我遯世也其于當位而應時行之義似乎哉甚矣遯
五難言矣

大壯利貞

二月之卦也

彖曰大壯大者壯也剛以動故壯大壯利貞大者正也正大而天地之情可見矣

物方長曰壯四剛同聚于下方當進長如人之少壯曰大壯方盛之勢也然雜卦乃曰大壯則止又本彖无吉亨之辭何也壯之二柔與遯柔所處不同剛固進長柔亦正在當事時有盤據難移之勢是以在下之陽剛能終其壯甚難消磨其壯甚易故聖人不以其機之方進者為可恃而深以未之難繼者為可虞

所深畏致謹正在一壯字所以不係他辭而獨揭利
貞為戒甚嚴之也 卦體乾剛在內震剛在外以剛
而動如何不壯只是天地間道理得以直前奮迂固
是這剛動至于取蹶取債亦是這剛動其間有貞不
貞之分所謂貞者天理至當處也惟其貞剛是天德
動是天行如此剛動纔是正大既正且大天地間有
何處不可行這壯便是不可少的若不是正大只把
壯去行剛動須有時行不得這壯却是不可有的所

以論剛動无如天地

坤曰至柔而動也剛

天地却只是正大剛

不凌柔陽不侵陰所以生生化化不已此天地之情

人若以天地之情為情剛大都是開通柔小柔小都來順

助剛大這壯便到底有用若不以天地之情為情其

始也或恃剛大而忽柔小又或逞剛大而凌柔小其

究也彊陽難繼太剛易挫必且以剛大而往于柔小

以柔小而累乎剛大于壯之義何居 壮而曰大若

有可喜然聖人所最不取是壯蓋氣有壯理无壯理

則貞是也氣得了理便是正氣剛大可以塞天地配
道義此氣也不然只是客氣客氣銳于前必衰于後
求其伸必致其屈故爻中以用壯歸于小人彖中不
曰健以動曰剛以動正是一字之辨

彖曰雷在天上大壯君子以非禮弗履

自勝者強

雷曰在天上非時震而震不得稱在必四陽之月純
乾氣候此時之雷乃為在天之雷動以正者也若非
此時過壯則皆疾雷矣故君子之動非當時而正不

動非禮勿履何正如之此君子之壯也 雷在天上人不敢萌非禮之念君子非禮勿履時時雷在天上了故曰對青天而不愧聞雷霆而不驚君子正大之情如此

初九壮于趾征凶有孚象曰壮于趾其孚窮也

九二貞吉象曰九二貞吉以中也

九三小人用壯君子用罔貞厲羝羊觸藩羸其角

罔无視

有如无君子之過于勇也雖正亦危矣 象曰小人用壯君子罔也

易中君子小人

並舉如觀如剥如遯皆以
相反為義小象意亦然

大壯之所貴只是一貞九二剛而得中此剛而貞者
也稱貞吉九四亦剛體與乾剛同德其動也壯于內
之實德非壯于外以凌物此動而貞者也亦稱貞吉
餘爻无言貞者矣四合二撰乾能近而相取初曰壯趾初乃事之

始人脚下起步最要謹慎時節從初先壯一路去只
知用壯如此而征无不凶自初至四俱是同德相孚
甚易惟其有孚初既壯四必以壯動天下事豈容一

味壯乃必窮之道故曰其孚窮也九二于壯時一審
中便必不窮所以貞吉九三重剛而不中剛而過者
也剛宜過任得如此用壯便是小人之壯君子于此
却有道非不用壯也能以不用為用不用為用以不
壯為壯也如中庸南方之強以寬柔不報勝人稱為君子是不強之強也如此全无
一毫壯氣故曰用罔罔无也只是用壯用罔全在幾
微之辨此際之用最難所以雖貞而危若涉用壯便
是羝羊觸藩不至傷其剛不已羸角之象君子小人

只差這些故小象申明之如何是君子之用只任理
便都不是壯也何嘗不剛

九四貞吉悔亡藩決不羸壯于大輿之輶象曰藩決不
羸尚往也

六五喪羊于易无悔易容易之易言忽然不覺其亡也象曰喪羊于易
位不當也

上六羝羊觸藩不能退不能遂无攸利艱則吉象曰不
能退不能遂不詳也艱則吉咎不長也

九四震體大壯主爻四動則二柔自動豈復能阻四之進藩決之象乾剛在內上行四因而動此其壯于在已者也壯在已自无不通行故為壯于大輿之
輶輶在輿中
內壯之象羊可藩輿不可藩羊壯則觸輿壯則行象曰尚往言得利往之道也六五則柔體剛壯之氣到此全變換了喪羊之象于易言喪于平易之中也羊喪則自无壯趾觸藩等悔象曰位不當者夫五尊位用事而以柔居之德不足以當位故至于喪然知

壯之不可用而寧喪其壯則猶可免悔以六五柔中故有此象雖非正大之壯庶不至犯壯之失者至于

上六其壯全无可用了所以遂為入藩之羊

三 是 方
觸 而 羸

上則入而不能出矣其退既不能進而遂又不能皆是不能詳

審于前之故若知詳審則知艱難艱則自无咎矣曰

詳正與壯趾征凶相對救曰艱正與喪羊于易相對

救以詳艱二字要壯之終指示切矣

總 大壯所不足只為五上是柔爻到底難得結局

不能有終若思量善終之難安得不致慎于方壯之始慎之有道不要憑了這些氣所以爻中厯厯詳言壯趾不可用壯不可喪羊不可觸藩不可發始壯要受累到底壯還受累直歸到一個中字方許其貞以此動叫做自壯之強以此防叫做知難之法直把這些剛心壯氣都消歸中正天理方完得正大兩字壯之不足尚也如此 震為蕃鮮三至五雜撰兌羊羝羊之象乾本龍震為龍龍德知得喪知進退惟其羊

也所以喪而不知得中道則喪失矣所以進而不知退終凶且難挽矣盡失乾震之用是以人生始而陽明易終不入于陰暗難始而剛健易終不在于柔軟難語曰昔為百鍊鋼化作繞指柔皆不知正大之壯故也

晉康侯用錫馬蕃庶畫日三接

彖曰晉進也明出地上順而麗乎大明柔進而上行是以康侯用錫馬蕃庶畫日三接也

晉明夷離合坤全用柔道而晉尤為盡美以五柔上
麗兩剛下三柔上麗明得柔道之盡善也柔之所貴
者進以從剛而已 晉進也日進于高明之義柔進
從剛

以上體言離明出地是方昇之日漸進漸光輝故曰
晉晝也正是自寅向午之日當陽之照豈不普天同
朗以下體言順而麗乎明順則能承受離明麗乎大
明則全體俱在光明中以全坤當旭日豈不徧地通
明所以其明日進日顯這都從六五一柔進而上行

所以如此妙蓋五柔上進得了大明之體所以下三柔上進得了麗明之順離明得居天位坤順得安地位這是天地間極光明全盛時候故以明君良臣相遇象之人所難者是明而出得坤陰更難者是坤陰全順離明離明出得地終日間常有個當空之照在坤陰順了明終日間步步依着天明去何得不日進高明這都從一點虛衷上進來故曰晉進也 六五居尊與下三柔同德分明一個虛己明君下三柔分

明是個順上賢侯康侯者安民之侯

坤為民象用

用錫者用

馬與蕃庶之儀錫而獻于上也

書經師錫帝曰禹貢禹錫玄圭俱以下獻

上為錫卦體柔進而上行故以進上為象

此順麗明之象畫日三接則明

王遇下之隆禮也此離出地之象

三數與畫日皆離象三接觀禮

延什一接也覲畢致享致命二接也享畢王勞之升成拜三接也

乾彖曰大明終始

大明之繫獨見于晉者

餘卦皆文明

同人大有從乾上摩

盪過只是明之始事至晉直從坤上摩盪過方是明

之終事明之難于終始正難在坤之順耳

象曰明出地上晉君子以自昭明德

明出地上天明透出坤陰自昭明德心明透出形氣

此非已之自昭誰為昭之晉之自昭猶乾之言自强

初六晉如摧如貞吉罔孚裕无咎

設不為人所信亦當處以寬裕則无咎也

象曰晉如摧如獨行正也裕无咎未受命也

未有官守之命

六二晉如愁如貞吉受茲介福于其王母

指六五象曰受

茲介福以中正也

六三衆允悔亡象曰衆允之志上行也

晉以五為主中天之明初與二皆順體進于明者也
同稱晉如但初不應五而應四越四而從五難勢必
有阻隔若摧之者然曰摧如撰艮止有摧象初能以一順為

貞則吉所謂獨行正也大凡明之難進必見摧阻亦
勢所必然貴在一貞耳初既未能從五五亦豈遽孚
初所以罔孚初當此時只有從容寬裕以俟方是无
咎之道盖求明以漸裕最妙之法五本得中之明在
君則為寵命在人即為明命初遠尚未承受得來曰

未受命也如二之受福則受命矣二晉如又曰愁如
愁與摧不同愁正是一段憂盛危明之至誠康侯所
不能自己者惟下有愁如之良臣故上有勿恤之明
君所以為貞而吉又能受福也父之妣曰王母不言
君而言王母所受者柔順之福也說利見此剛二五皆柔只說受
柔分量之別三處坤之上與五近下二柔所從衆允
之象志上行得以上進也

九四晉如鼫鼠貞厲象曰鼫鼠貞厲位不當也

六五悔亡失得勿恤往吉无不利

以大明在上而下皆順從故悔亡又一切

去其計功謀利之心則往吉无不利也

象曰失得勿恤往有慶也

上九晉其角維用伐邑厲吉无咎貞吝象曰維用伐邑道未光也

四乃五之所麗同是明體稱晉如只是剛質晉以柔為主明以剛用便是上伺下凌等情弊五是明君坤是康侯四處其間獨以不中正之明自專自用以此居近地分明有窺覘貪竊之象故目以鼴鼠危以貞

中之厲而斷其不當位也。鼫鼠所謂社鼠貪而且黠。
以四剛明之材似非其類。特以居近位最宜首順而
少自用。其明則明。皆入于邪僻私竇。所以至同于鼫
鼠。蓋深儆戒之辭。欲其知順五柔而已。故不繫以凶
悔也。六五大君之明。出地昇天之日。更无晦翳。悔亡
也。此時明體已全。只有計得失心未亡。便非虛衷大
度。大明氣象。故戒以勿恤。有順乎明者如康侯。有不順
乎明者鼠。一切置之度外。以此而往。明之又明。吉无

不利曰有慶也爻辭言吉莫詳于此者大明之體故
也上九明極過剛明以剛晉其晉也為觸物之明晉
角之象但用此明以自治則可維者與五以剛柔相
維也邑者已邑謂四也明不用以觸物反而用以克
己何嫌于過剛故雖危亦吉而无咎只是外燭之明
終非可恃故又戒以雖貞亦吝而曰未光也

總人能順乎明只管進豈不是日新上達路若一
念有自用之明便不是順這明就入于僻小了若一

念或發露其明便不能順這明就鋒鋩太銳了小則
鼠銳則角都是明中易犯之病所以兩剛爻反不若
四柔爻為吉以陽道多專陰道能從故也今人用明
不好行其小慧則但明以察人忘了自家一個順道
求日進之明難矣凡自明非明順明為明故舜大
知只是用民之中

明夷利艱貞

彖曰明入地中明夷內文明而外柔順以蒙大難文王

以之利艱貞晦其明也內難而能正其志箕子以之
明夷與晉正相反明出地自寅向午時之極盛大明
之象明入地自未向戌時之極暗大難之象舉一世
俱入幽暗中豈不是大難夷者平也明不能出地而
至夷于地是全為坤土所蔽故有見傷之象然雖見
傷而明體終無虧損則因夷而夷又未嘗不成妙用
故明夷者聖人因暗時善處暗之道非明之極至不
可以語明夷晉日之出于扶桑明夷日之浴于咸池

其明體原未嘗有二聖人之明時出而晉時入而夷
其明體亦未嘗有二但所處之時則截然不同全明
于暗之時視明于晉之時其難易何啻天淵故利在
艱貞也艱貞二字聯讀言艱難之貞 晉明王居五
位明在上明夷明臣正位于二明在下其與二同心
者五也故以在高位之親賢當五直以上六為暗主
主不係于五可見獨夫暗極位非其位矣所謂高而
无位上六是也二內則文明外則柔順故不為暗主

所傷此文王之事蒙大難蒙字要玩即蒙卦將明未

蒙字

明之意蓋紂惡在上舉世幽暗非文王一身之難乃

通天下之大難文王以日月之明漸開漸通之而又

不露其明如蒙養然故謂之蒙大難當時无文王則

一世盡成闇沕矣此文王之善用其明也若箕子則

身為宗臣文王之事亦不可為矣

文王有國箕子與紂同國故與文王

不其所處更難只有韜晦其明以存一點為國貞心

同

故曰內難而能正志其正倍為艱難所謂艱貞此箕

子之善用其明也 按商之末造主持當世者箕文
二聖也文王為西伯于國難猶在外故紂自暗文王
自明但盡其柔順以服事殷而已雖有羑里之囚終
不為暗主所傷文王之位然也箕子為父師于國難
為內故欲正其志不得不晦其明所謂晦明不待為
奴之日也觀其諫象筋歌麥秀凡所以委曲維持與
留商祚者其志益不勝艱苦矣皆箕子晦明之作用
也故文王一日在藩箕子一日在朝紂一日未亡必

西伯喪父師囚而獨夫之位乃旦夕不能留此二聖
人心一道同曲盡明夷之貞也

象曰明入地中明夷君子以莅衆用晦而明

出于地上之明其明之燭者遠入于地中之明其明
之微者微故用晦之明與晦其明微異更難于自昭之明有

明而晦用之然後可以微于耳目不見之地運于悠久
不息之境此明之至也 象曰晦其明猶因時之
艱也象曰莅衆則不必處患難凡臨民君子必不可

无晦明之用者盖日進之明用以自昭沈幾之明用
以益衆此君子用明之別

初九明夷于飛垂其翼君子于行三日不食有攸往主
人有言飛而垂翼見傷之象行而不食所如不合時義當然不得而避也象曰君子于
行義不食也

明夷上六為暗主內三爻離明皆見夷于上者故同
曰明夷初以剛居下此明德之士宜進而上者也因
在暗時絕無上進之路故有往飛垂翼之象垂翼見

進則无可效其用也于行則三日不食所往則主人有言見行則又不能得其遇也蓋極言明哲不容于暗世其見夷至于如此垂翼正與晉之錫馬反不食有言正與晉之三接反看初是播棄之諸賢遯海之黎老也

六二明夷夷于左股用拯馬壯吉象曰六二之吉順以則也

九三明夷于南狩得其大首不可疾貞象曰南狩之志

乃大得也

六二文明之主文王是也雖日從左而震則升天從右而兌則入地明夷入地無從上升故有左股見夷之象然二剛相麗豈終于受傷有拯馬壯之象

三剛
撰坎

則為股之傷
撰震則為馬之壯夫以二之文明何至左股之傷何待

拯馬之壯其當夷則順受而夷可拯則盡力而拯皆

人臣柔順之極則故曰順以則也看來文王一吁而

囚羑里是左股之夷蓋格君致治雖文王無所用其

力矣與十亂同心救世是拯馬之壯蓋用賢維持則
文王猶得盡其心也拯有拯已拯天下二義拯已亦所以拯天下也三居離
之上文明德全體雖在地下光輝漸達有出坤暗而
向乾南之勢故云于南狩于往也狩兵戈之象大首
是暗之極者得大首去其元惡如離云折首也時方
暗極三以明去暗宜見疾于時然三之狩乃正已而
物正原是德威之明自不得而疾之如以為不可欲速覺味淺書
曰大邦畏其力小邦懷其德此南狩之象大首如伐

密伐崇是也卒之不見惡于暗主反賜西伯得專征

伐此為不可疾之貞其時已為化行南國之文王故

曰南狩之志乃大得也

以大首為紂
非明夷之義

六四入于左腹獲明夷之心于出門庭象曰入于左腹
獲心意也

六五箕子之明夷利貞象曰箕子之貞明不可息也

離體

為至明之德坤體為至暗之地下三爻明在暗外故隨其遠近高下而處之不同六四以柔正居暗地尚淺故猶可得意于遠去五以柔中居暗地已迫故為內難正志以晦其明之象上一爻為暗君也

四五坤體同近暗主同在暗國同以正為志者也箕子親則叔父尊則太師德則聖人商家一脉身之所任故于五直云箕子之明夷五主位也其次親而尊而賢无如微子故四有像于微子爻中雖不言微子如四之時住微子適合其道入于左腹入則與五同一心也于出門庭出則自有四當行之道也所云獲心意即利貞之心同以存明明道在已為正也存明所以存商也謂之左腹者坤腹象左為生道微子之去以生道獲箕子之心者也右

為死道若比干之諫則以右腹獲箕子之心者也故
三仁一心也無非知紂為入地之晦故箕子居尊則
以不去為正微子左而次則以存祀為正一去一留
委曲留己之明使少延一日則商家之脈尚未息一
日故曰明不可息也至不得已而存其明為洪範之
傳則箕子之心滋戚矣于出門庭其義最妙凡國
家多難有主其事于中者必有出而分其事于外者
然後國事庶幾有濟微子之去正有深意故嘗論之

使紂惡既稔而自斃武庚念亂以圖存亦事之不可
知者也則箕子輔于內微子返于外六百之明何至
遽息此則微箕之正志也若朝鮮之封抱器之歸豈
其志哉或曰詔王子出迪我不顧行遯蓋知紂之必
亡審矣曰知必亡者聖賢之志也明不息者聖賢之
仁也如此然後可以語明夷孟子曰其故家遺俗
流風善政猶有存者又有微子微仲王子比干箕子
膠鬲皆賢人也相與輔相之故久而後失之也可見

三仁不晦明以自存則紂之亡久矣

上六不明晦初登于天後入于地象曰初登于天照四國也後入于地失則也

照四國以位言

上則暗之極明于是息矣謂之不明豈其初本來便如此初之明未嘗不可登天未嘗不照四國只是後來日昏日墜盡失其天然之則

二 是臣則
上 是君則

乃自失也在上之明既入于地在下之明自將出而登天則暗者見為夷人之明究竟適自夷其明而已明者見為

自晦其明究竟適愈成其明而已

總出地入地是世道大翻覆自昭自晦是君子隨時

之大變化雜卦曰晉晝也則明夷夜也可見君

子所以通晝夜只是一點離明又曰明夷誅也則晉

賞也可見君子所以裁成民物只是一點離明

家人利女貞

先正乎
內也

彖曰家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟

夫夫婦婦而家道正正家而天下定矣

上父初子五三
夫四二婦五兄

三弟以卦畫推之又由此象

上經乾坤後就是六坎三男首合下經遯壯後四離至此而三女纔合男先女後之義與上離下二女同居象居室之內曰家人家者天下國之本故化行一國易化行一家難化行于家之父子兄弟易化行于閨門之家人難是以利女貞女正而一家之人皆正矣卦體剛居五柔居二得男正位乎外女正位乎

內凡一家之中必男先正位乎外斯得女正位乎內
然必女正位乎內方可謂之男正位乎外蓋女有不
正即男之不正也男正便是得天道女正便是得地
道所以造端夫婦便察乎天地男女正天地之大義
也要其所以正不過一個從男卦中以九居五所以
為一家主者先得其正故一家從之則皆正分明得了
君道故曰家有嚴君焉父母正則子婦兄弟無不正
家齊而國治天下平一齊俱正故曰正家而天下定

矣。女人于一家中為卑為小，然未有女不貞而成家道者。故堯試舜曰刑于二女，詩稱文王曰刑于寡妻。蓋女之貞不貞，皆家主一身之事也。貞得女方正得家，故特以嚴君歸父母見一家之本在此也。

象曰：風自火出，家人君子以言有物而行有恒。

風自火出，是南方長養萬物之風。君子之風自明德出，是一家溫和之風。中庸知風之自惟，風自火出，故君子患无離明之火，不患无與行之風。言行者發乎

邇見乎遠有物有恒正修之于居室之內而風之于
千里之外火出之風也 離火言象書曰言揚火也言防其

空虛有物則實巽股行象行防其不果有恒則常
初九閑有家悔亡象曰閑有家志未變也

六二无攸遂在中饋貞吉象曰六二之吉順以巽也

九三家人嗃嗃悔厲吉婦子嘻嘻終吝象曰家人嗃嗃
未失也婦子嘻嘻失家節也

家人以二女言則主在二四以一卦之主位言則主

在五初九以位則在下以事則家之始語曰教子初
孩教婦初來故閑當有之于初閑者內外有閑尊卑
有閑有閑方得為有家閑于初正是先事之防故悔
亡故志未變若有悔而圖則志變志變則雖閑无及
矣六二正位乎內者也成事為遂无攸遂婦不主成
事也進食于尊者曰饋在中饋惟以養親為事也婦
人之事不貴能其所不能而在能其所當能在中饋
所謂惟酒食是議如此方是婦人之貞與順之極故

曰順以巽也九三居上下內外之間近比二四界限
正要在三分明故言節節即閑也嗚嗚未免嚴于節
所以悔厲然不失家節吉若嘻嘻

離反坎憂為喜便
故有嘻嘻之象

必至于失節所以終吝也

或曰嘻嘻歎聲謂嚴而過
也然家道以過嚴失者十

一以宴樂失者十九不
若作嘻笑為更切人情

六四富家大吉象曰富家大吉順在外也

九五王假有家勿恤吉象曰王假有家交相愛也

上九有孚惠如終吉象曰威如之吉反身之謂也

四位五下四能順合一家成順家所以富順五故也
記曰父子篤兄弟睦夫婦和家之肥也惟肥可以言
富家四以婦言之則家之主母係一家觀法者總以
順五為貞故曰順在位九五正位乎外五正而宜家
人宜兄弟父子兄弟足法如此不惟一家之人通為
一身且天下之人通為一家故謂之假有家假即
格至
也纔到得有家也教家即所以教國家道成即是君
道成故稱王假又曰勿恤恤者姑息之意家人最難

祛者是姑息一念豈知勿恤之愛方是真愛故曰交相愛也上九有家之終一家之父子兄弟夫婦無不心心相信曰有孚這都是從上之人有威可畏有儀可象家之人无不畏而愛之則而象之故曰威如吉然其所謂威如者實實是以身帥先所以家人不令自從如閑也節也則也原非嚴以律人只是嚴于律己都是從反身自修來故象曰反身之謂大學有諸已而後求无諸已而後非藏身之恕正是反身之義

總家人以順歸二四則婦正之義可知矣以閑歸初九以節歸九三以威歸上九則男正之義可知矣然閑與節與威則主嚴究五之所以格家又只是一愛蓋惟閑也節也威也乃所以成愛舍此言愛則愛亦嘻嘻而已總之歸于一身其身正不令而行故言有物行有恒又正身正家正天下之本也此謂風之自楊誠齋曰正者非正也蓋有正之者孰正之男也正女以男正男以父父正以身身正以嚴又曰以

文王為君以太姒為妃以王季太妊為父母以武王
為子以邑姜為婦以周公為兄弟其不交相愛乎

睽小事吉

彖曰睽火動而上澤動而下二女同居其志不同行釋卦名
義說而麗乎明柔進而上行得中而應乎剛是以小
事吉天地睽而其事同也男女睽而其志通也萬物睽
而其事類也睽之時用大矣哉

家人二女同居風火相生巽離東南一氣其行同睽

二女同居火澤殊性離兌南與西相隔

坤在中間

其行不

同睽之象人有稟氣自然有不同不同處便是睽須
要識其所以睽方可以反異而為同語曰識性可與
同居此睽之時用也火澤之所以睽在動處見二女
之睽在志不同行上見惟其居雖同有各行之志所
以成睽惟其不同行未嘗无相成之用所以睽中有
吉說麗明三句正明致吉之道火澤一上一下所以
睽說而麗乎明睽者便可以合妙全在兌柔與離柔

其道原同以兌去合離柔進而上行也則說不與明
睽矣以離來合兌離柔得中而應二剛則明不與說
睽矣是都從柔進得力故云小事吉謂從柔小處盡
道其事所以吉也人心明易向上說易下流中心之
說常依本心之明便是說而麗明然其道无過一個
虛心順志皆小事也故小之為用用于睽則其用便
大試看天地合而生生其事同也然天地之體自睽
男女合而居室其志通也然夫婦未嘗不睽萬物並

生並育其事類也然形體未嘗不睽只是睽處有合之用此睽之時用所以大也 天地間陰陽豈可相

睽然不識陽尊陰卑之分如何合得陰陽剛柔豈可

相睽然不識剛克柔克之義如何劑得剛柔故不睽

不成合不睽不成妙用其得合處无過一個以陰從

陽以柔順剛而已所謂小事也

夫子舉直錯枉便是
睽究竟使枉者直適

見睽之用大 欲成家人之合愛必不可无睽之審異故

家人之後受之以睽 睽多從小事起還從小事修

故吉

象曰上火下澤睽君子以同而異

上火下澤天所分定原是異而不同的然火何嘗不可為澤用澤何嘗不可為火用君子于異處不能強而同于同處却能合其異所謂同而異象中曰睽而其事同象又曰同而異互文言之正見異不妨同同不妨異也 同人曰辨物同非苟同同中有異也睽曰同而異異非立異異中有同也正可參觀

初九悔亡喪馬勿逐自復見惡人无咎

居睽之時同德
相應其悔亡矣

象曰見惡人以辟咎也

九二遇主于巵无咎象曰遇主于巵未失道也

六三見輿曳其牛掣其人天且劓无初有終象曰見輿曳位不當也无初有終遇剛也

睽以二體不同相睽故六爻各以位相對說初與四相睽當睽宜有悔然同德也且睽于初多易合于後所以悔亡喪馬難于上進之象勿逐自復不久可合

之象其要只在能見初與四同是剛德可殺處只為

四陷于兩柔

雜成坎體
所以可疑

見得病在兩柔自知同德可

與故見其惡則咎可辟也

如云畏惡人之禍
而見之恐未然

二與五

相睽然五本以柔中應剛自能下求于二只要二有

遇之道

巷里中

古制一里八十戶八家共一巷九二

自處于巷先立于大通之地自然六五來合此遇主

之道也故曰未失道易中言主如夷主配主

豐

只是

一卦主爻不必言君所謂巷只是通行之路亦不必

添出委曲其道等字大概二剛中可以坐待五之合

只要自己麗明不為六三所蔽便是九二之菴也三

與上相睽初是事始二得中其睽易合三正下行之

爻陰性又睽之已深所以自生起妄見來見輿之曳

我也四難坎下輪為輿見牛之掣我也五為離其人正指上九

既見其髡孤于上又見其劓傷于坎无非可惡之狀

然此皆未合之初也三上剛柔相應久久相得遇相

遇則終相合矣所謂无初有終遇剛也二五剛在下柔在上易得

交三上柔在下剛
在上故久方交

九四睽孤遇元夫

九初

爻孚厲无咎象曰爻孚无咎志行

也

六五悔亡厥宗噬膚往何咎

厥宗指九二噬膚言易合

象曰厥宗噬

膚往有慶也

上九睽孤見豕負塗載鬼一車先張之弧後說之孤匪

寇婚媾往遇雨則吉

上與三先睽後合故象占如此

象曰遇雨之吉羣

疑亡也

上三爻皆當與下遇者四當遇者初也論其以九居
兩柔之間近不相得有孤立之象若與初相遇
初能見則
遇四可則自交而成孚雖厲何咎初九同剛德故稱元
夫二女患其志不同行遇則同行矣故曰志行六五
正是上進得中之柔所以通一卦之睽者全在五故
悔自亡其與九二剛柔自相應與无異同宗之相親
故曰厥宗即同人之
同人于宗其柔道之美用之无往不宜无
異噬膚之易合即噬嗑之膚
人人可食也以此而往自與二成卷

中之遇曰往有慶也上九之明亢而居高有睽孤之象三先疑上故上亦疑三三見上之可惡故上亦見三之可惡三以柔見剛故見其凶狠上以剛見柔故見其暗昧豕而塗鬼而載所以先張弧後說弧皆妄見也豈知三匪寇原是婚媾能與之相遇自然和而成雨雨則吉矣往字則象曰羣疑亡疑則生出許多惡見遇則所見者反成和洽可見總是疑心所成睽之吉不吉在疑不疑之間而已

總火澤本體既不同行以雜撰言之雜坎既疑于傷離之明雜離又疑于傷兌之說所以益易成睽是以爻中多言見言遇見者謂不二不三之真見既見其所以可睽之端又見其睽中有不睽之體若此見不透只見其可疑可睽而已如隣人竊斧之見是也遇者謂天然自合之正道必于乖睽不同之中尋其所以原同之義使睽者終不睽也所以六爻皆有先睽後合之妙家人明在內吳在外以有分有別之

見行之以巽順此恩以聯屬之道其明藏于內故曰家人內也睽說在內明在外以審同審異之見本之以允肅此義以裁制之道其明顯于外故曰睽外也如時說云家人言父子夫婦兄弟為內睽言君臣朋友為外則不可蓋君子一身原通天下為家无得分内外家人之中无處可少睽之時用故曰男女睽而志通也兩卦合觀方得

蹇利西南不利東北利見大人貞吉

蹇難也足不能進行之難也西南平易東

北險阻 塞利西南利得勿也不利東北不利喪朋也
坤卦有明證解不言東北不如坤之利喪勿亦不如塞
之不利也觀兩卦爻
中皆有勿字可見

象曰塞難也險在前也見險而能止知矣哉塞利西南
往得中也不利東北其道窮也利見大人往有功也當
位貞吉以正邦也塞之時用大矣哉

家人內也睽外也內外皆明然後艱險之途亨通之
會皆可以平觀而險夷一致故受之以蹇蹇
也乾至健其德行恒易以知險坤至順其德行恒簡

以知阻知險知阻无過一難字塞正是知險知阻學
問所以程子曰塞之為難如乾之為健蓋人操一難
心便是无限戒謹操一易心便有无限縱肆塞者一
步不輕之謂人一動足都是其難其慎之心何患于
險阻所以塞之德為難詩云戰戰兢兢如臨深淵如
履薄冰此可觀塞難之義彖曰險在前人生當前之
境原是措足有險但不知坎德者不能見險不知良
德者險在前又不知己有當止之處惟外常見險內

常得止以定靜不搖之衷操知危知險之見屹然如
山之常定而靜照險機之在前既能見又能止所以
知險知阻者孰智于此故曰智矣哉原非是見事勢
艱難有所畏避可以言塞亦非是不敢措足止而不
前可以言能止也見險則萬變常在目前能止則
此中常自一定故一個難字是聖賢動心忍性實際
工夫常存得個難心雖千險萬險自有一條平易路
可往此為西南之利若不知得難便坐在險中不知

所往此為東北之不利曰往得中者坎艮原在東北
坤在西南自艮坎往坤便是東北西南周天全體不
落偏曲之見此為得中如以陰陽之位言東北俱男
道往西南從女道適得陰陽之中也若仍在東北則
有止无往无往便不能通故曰其道窮也塞之所以
難難在得中這個中正之理原在人心即坎中九五爻只怕
不能見若見此中正何往不利所謂利見大人往有
功也若人能以難之心貞中正之理以此居天下之

位真是正天下而有餘堯舜兢業大禹克艱不過此道故曰以正邦也蹇之時用豈不大矣哉 一曰往

得中再曰往有功蓋險无中止之法所以要往惟有往乃有來有往來方得通中庸曰无入不自得有入方有得入即往也爻中往來即此往字

象曰山上有水蹇君子以反身修德

山上有水水雖險所以行其險者在山而不在水故君子觀蹇象知境雖險所以行其險者在身而不在

境反身修德重一反字

初六往蹇來譽象曰往蹇來譽宜待也

六二王臣蹇蹇匪躬之故象曰王臣蹇蹇終无尤也

九三往蹇來反象曰往蹇來反內喜之也

爻中皆言往來往者從險中進步去也來者從性中
得力來也往來是活字着力在一蹇字惟其向前去
步步知難則一步一步自然有得手成就一來一往
便不窮而通便都是西南平易路故蹇之妙妙于往

來而已 看塞之往只是要往而向中正所謂西南
之往也 初塞之方始從初便慎步久自光輝

艮體光明

來

譽之象只是從初之往往要從容不可便覬其來故

象曰宜待待者只是待其自通也

非待譽之謂

二五正應

王臣之象塞塞者畢志盡力愈塞愈前全不知有身

故曰匪躬如此方于臣子之事无愧終无尤也九三

艮之主爻反自身修德三之能事又內體已完正當往

而應用之介要反必在此處反故曰來反蓋不能反

必不能止然非中心實見得險之本在我有一段求

自得之意何以來反故曰內喜之也

本義反就二陰
蓋以陰在內也

恐于塞
義未安

六四往蹇來連象曰往蹇來連當往實也

九五大蹇朋來象曰大蹇朋來以中節也

上六往蹇來碩吉利見大人象曰往蹇來碩志在內也
利見大人以從貴也

六四一爻上是五下是三皆剛爻卦主入險在四難

過正在此處厯得四險則五與三來連連者中正得
其中正止得其止通而為一也只在四之往耳陽當
位故曰實九五居位得中天下遺大投艱惟五任之
肩鴻任鉅亦惟五能之謂之大蹇大蹇則克艱之道
已盡合一卦之衆來共其艱故曰明來即當位貞吉
以正邦也妙在得中天下无得過无得不及所以明
來取正以中節也上六要終不忘往蹇則其修之內
者自然日積月累而德成碩大故曰來碩結成碩果

也這皆從反身自修來故曰志在內上乘于五到底
從五方是到底知險故又申以利見大人象曰從貴
從中正之道而已本義來連只指九三看當位實一語還在九五象曰見險
不但見險之可危正要見險中定有中正之則在焉
能見險即是見大人也始而見見而從斯謂之往蹇
故上爻又以利見大人終之

總 二五不言往一則曰蹇蹇一則曰大蹇通天下
為一身之蹇曰大蹇以一身任天下之蹇曰蹇蹇餘

皆言往各以位別初從始而難究竟得易可以得譽
是未然語三將應用正要在自身上着力故云來反
是到手語四正入險往中正在此時得止中正亦在
此時來連是成功語上功夫到底方許吉字是无穷
語要得譽必須反反方得連連方得碩一串事也

解利西南无所往其來復吉有攸往夙吉

解難之散

彖曰解險以動動而免乎險解解利西南往得衆也其
來復吉乃得中也有攸往夙吉往有功也天地解而雷

雨作雷雨作而百果草木皆甲拆解之時大矣哉

解屯之倒體

水雷屯

解字之義正從屯字來屯曰動

乎險中貴在險中能動其動難所以要不寧解曰險

以動貴在動而透出險中出險處難所以要免乎險

蓋屯是始交之動尚在鬱結充塞時候所以屯之義

為盈既有這一番結塞必有一番通暢使塞者能開

結者能舒這坎中一陽方得流行所以要解惟險而

有動動能透險使險者盡通暢而為生機方是免乎

險此之謂解解者時至而動君子當機時出一段真生意也利西南者東北男位主發生西南母位主成育不有成育不足以承受發生之氣君子有設施必有歸藏不有歸藏不足完成設施之用故坎二震九東之雷雨必須往西南之坤位方得周天沾被方得實落有生成功化這纔得人人蒙澤故曰往得衆坤為衆也來復吉夙吉則指九二九四言也兩剛爻皆主而二尤為解之主二坎主四震主蓋坎中一陽萬物之所

孕藏必先有此一腔生意蘊含于中然後有震動可
出故无所往則須來復无所往謂未有所往也未有
往而能復此坎中一陽自然可以善震之出于不窮
故來復則吉能得此中也有坎之復必須有震之出
故及其有攸往必大有作為而後難破險出生機纔
无處不發育所以夙則吉夙早也敬也此時間不可
失須及時敬謹故往有功也震體恐懼故云夙蓋有
坎之復斯有震之出雨之蘊釀者厚則雷之奮發者

神此來復之吉也惟有震之動斯得成坎之解必雷為轟雷則雨為澍雨有攸往之吉也蹇之剛中在上故惟有往而利見乃有來而譽而反而連而碩解之剛中在內故惟有无往之來復乃有攸往之風吉往與來之間易之所以為王者坎中一剛而已此所謂天心也爻中得黃矢即來復也一卦以此句為根本天地不解不成造化天地一解而雷雨作百果草木皆甲坼這坎中一陽破胎出卵都成化育流行屯中盈滿之雲雷至此盡

為普偏全坤西之化雨始之難生者到此生生化化

南

解之時所以大也 塞險中能止一步一步有戒謹

恐懼之心故蹇難也自是一段謹凜收斂氣象解險

中有動一步一步有活潑開通之妙故解緩也自是

一段舒徐寬裕氣象見險是擇地而蹈故西南東北

有利有不利動而免乎險則隨地可通故西南既利

東北亦未嘗不利但必須從東北而西南解之分量

斯滿耳

无險
謂之得衆
不
解

象曰雷雨作解君子以赦過宥罪

屯之雲雷只是氤氳之氣畢竟雷要奮發雨要滂沱故雷雨非大作一番不成天地之解雷天之威雨天之澤君子非有一番恩威並施作用不成解故以赦過宥罪過小則直赦之罪大則從輕而宥之

初六无咎象曰剛柔之際義无咎也

以柔在下上有正應何咎之有

九二田獲三狐得黄矢貞吉象曰九二貞吉得中道也六三負且乘致寇至貞吝象曰負且乘亦可醜也自我

致戎又誰咎也

解之義取其去險故爻中曰獲狐曰解母曰獲隼皆

去險也六三既乘二又不應四言險无如此爻故二

四爻所獲所解皆以三當之

本義以三陰爻為三孤初為母時說以上爻為

隼皆有理搃之活看方通

初六雖是險體而能應四剛柔相與

之際其險易解故義无咎二正是剛中所以能有獲

謂獲三也能有得得中直也貞而吉三負四近而不

相得四上動三下陷却又乘二處非其地所以致戎其取羞

吝正理也

九四解而拇勿至斯孚象曰解而拇未當位也

六五君子維有解吉有孚于小人象曰君子有解小人

退也

上六公用射隼于高墉之上獲之无不利象曰公用射

隼以解悖也

公指四能解
險者必剄也

四為動之主爻以其近三如拇之有繫

震為足三在
下繫拇之象

故必解而去之斯衆陰皆朋至

初柔得應
五上同體

而相孚矣

以九四之才可以動而无不獲只為其位與三比

撰

與二之中又不相應所以尚有母當解

一卦解字以在此爻

剛不當五位也六五居正位必聯合君子之交相為

維繫以共解乎險斯可以得小人之信從而无不退

聽矣蓋君子之交合則小人之羣自散有不覺其解

而无不解者故曰小人退也五雖得位必藉九四以

動險故妙在一維惟四有朋至之孚斯五有小人之

孚也上則解之終險于是可免矣小人之難去至此

可必去矣獲隼之象

隼指上言在五之上曰高墉

隼獲而全卦之

柔更无悖而不順者故曰以解悖也解五爻皆陰陽不當位惟上六當位故以動之時歸之震之究為健故以有獲歸之凡震居上六多不全美此獨為全美惟其有二之得矢矣然後有上之射隼此先有來復之吉後有往風吉之義也

總 天地解而雷雨作解是通結塞去繫累期于盡善盡美學問于世道是開泰致治時候然爻中所言

獲言解言射又若兢兢乎去之甚難者則以世有小人其險之去甚非易也故觀言孤可以極其媚惑之狀觀言負言乘可以極其凌與傲之狀觀言毋可以極其依附難割之狀觀言隼可以極其鷙悍之狀而君子所以去之之法只有一孚孚則心悅誠服不期退而自退矣可見小人雖極險君子處之原極平易所謂西南之利如此至于小人孚則又皆為西南之朋此解之極致也小人之險皆小人藏伏之險故須

解 塞言反身不知反雖見險不能知難也解言來復不知復雖有動不能免險也塞言往是從心體難處歷過方有真止可得解言來來復吉是從心中險體復來方有真動可出故處塞要在難中求易曰利西南處解要在易中免難亦曰利西南乃其所以為難為易无非于己求之而已 文中厯厯言險情孤之幽隱負乘之蟠據母之牽繫集之惄惄一步一步要解則一步一步有動之時在時不可先不可後所以

夙則吉也



周易像象述卷五